



სახელმწიფო აუდიტის სამსახური გენერალური აუდიტორი



№ 012601/10

10/12/2025

სსიპ – საქართველოს საკანონმდებლო მაცნეს თავმჯდომარეს
ქალბატონ ნათია ჩირიკაშვილს

ქალბატონო ნათია,

საქართველოს ზოგადი ადმინისტრაციული კოდექსის 49-ე მუხლის შესაბამისად, წარმოგიდგენთ სახელმწიფო აუდიტის სამსახურის 2025 წლის ანგარიშს საჯარო ინფორმაციის ხელმისაწვდომობისა და შეუფერხებლად გაცემის შესახებ.

საქართველოს ზოგადი ადმინისტრაციული კოდექსის 49-ე მუხლის შესაბამისად, სახელმწიფო აუდიტის სამსახური თავის საქმიანობაში კანონიერების, საჯაროობის, გამჭვირვალობის, ადამიანის უფლებებისა და თავისუფლებების პატივისცემის საყოველთაოდ აღიარებული პრინციპების დაცვით, უზრუნველყოფს სამსახურში არსებული საჯარო ინფორმაციის ხელმისაწვდომობასა და შეუფერხებლად გაცემას. ამ მიზნით სამსახური საქმიანობას 3 მიმართულებით წარმართავს:

პირველი: სახელმწიფო აუდიტის სამსახურის ვებგვერდზე (www.sao.ge) სისტემატურად ქვეყნდება სამსახურის საქმიანობასთან დაკავშირებული შემდეგი ინფორმაციები: სხვადასხვა დროს ჩატარებული ფინანსური, შესაბამისობისა და ეფექტიანობის აუდიტის ანგარიშები, ასევე სახელმწიფო ბიუჯეტის შესრულებასთან დაკავშირებით საქართველოს მთავრობის ანგარიშებზე სახელმწიფო აუდიტის სამსახურის მოხსენებები, დასკვნები კანონპროექტებზე, რომლებიც ეხება სახელმწიფო ბიუჯეტს და აგრეთვე აუდიტის სამსახურის საქმიანობის წლიური ანგარიში. აღნიშნული მასალა საჯაროა და ხელმისაწვდომია ნებისმიერი დაინტერესებული პირისათვის.

მეორე: საანგარიშო პერიოდში სახელმწიფო აუდიტის სამსახურში სხვადასხვა ადრესატისგან – მოქალაქეებისა და ორგანიზაციებისგან შემოვიდა საჯარო ინფორმაციის გაცემის შესახებ 9 მოთხოვნა. ცხრავე შემთხვევაში ინფორმაცია გაიცა ელექტრონული ფორმით. საჯარო

ინფორმაციის გაცემისას სამსახური ხელმძღვანელობდა საქართველოს ზოგადი ადმინისტრაციული კოდექსითა და „საჯარო ინფორმაციის ასლის გადაღების მოსაკრებლის შესახებ“ საქართველოს კანონით.

წარმოდგენილი განცხადებებიდან დაკმაყოფილდა 4 მოთხოვნა, ხოლო 5 მოთხოვნასთან დაკავშირებით საჯარო ინფორმაცია არ გაცემულა, რაც განპირობებული იყო შემდეგი გარემოებებით:

- მოთხოვნილი ინფორმაცია სახელმწიფო აუდიტის სამსახურში არ ინახებოდა – 3 შემთხვევა;
- მოთხოვნილი ინფორმაცია ფოთის მუნიციპალიტეტის 2021-2025 წლების საქმიანობის შესაბამისობის აუდიტთან დაკავშირებით არ იქნა გაცემული, რადგან ასეთი აუდიტი არ ჩატარებულა – 1 შემთხვევა;
- მოთხოვნილი ინფორმაცია აუდიტთან დაკავშირებით არ იქნა გაცემული, რადგან მასალა გადაგზავნილი იყო პროკურატურაში – 1 შემთხვევა.

ამასთანავე, ზემოთ მითითებულ 5 შემთხვევაში, საჯარო ინფორმაციის გაცემაზე მოთხოვნის არდაკმაყოფილებისას, სამსახურში საჯარო ინფორმაციის გაცემის უზრუნველყოფაზე პასუხისმგებელი პირის მიერ ეცნობათ დაინტერესებულ ადრესატებს.

საანგარიშო პერიოდში საჯარო ინფორმაციის ხელმისაწვდომობისა და შეუფერხებლად გაცემასთან დაკავშირებით მიღებული არცერთი გადაწყვეტილება არ ყოფილა გასაჩივრებული. შესაბამისად, სამსახურის არცერთ საჯარო მოსამსახურეს საქართველოს ზოგადი ადმინისტრაციული კოდექსის მოთხოვნათა დარღვევის გამო, არ დაკისრებია რაიმე სახის დისციპლინური სახდელი, ასევე არ ყოფილა საჯარო ინფორმაციაში შესწორების შეტანის მოთხოვნა.

მესამე: რაც შეეხება საჯარო მონაცემთა ბაზებისა და სამსახურის მიერ პერსონალური მონაცემების შეგროვება-დამუშავებას, აღნიშნული მიმართულებით საქმიანობას ახორციელებენ სამსახურის სხვადასხვა სტრუქტურული ერთეულები. საჯარო მონაცემთა ბაზებისა და პერსონალური მონაცემების სხვისთვის გადაცემის შემთხვევები არ დაფიქსირებულა.

2025 წლის განმავლობაში სახელმწიფო აუდიტის სამსახურში საჯარო ინფორმაციის გაცემაზე გადაწყვეტილებას იღებდა საქართველოს ზოგადი ადმინისტრაციული კოდექსის 36-ე მუხლის შესაბამისად დადგენილი საჯარო ინფორმაციის ხელმისაწვდომობის უზრუნველყოფაზე პასუხისმგებელი პირი: სახელმწიფო აუდიტის სამსახურის ადმინისტრაციის საორგანიზაციო და პროტოკოლის სამსახურის უფროსი, ლევან ლოზჟანიძე.

პატივისცემით,

გენერალური აუდიტორი



გაბიტაშვილი გიორგი